

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO TRGOVINE
MOSTAR

Broj: 01-02- 538 /14
Mostar, 27.3.2014. godine

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF TRADE
MOSTAR

01-02-417-1/14
31-03-2014

BOSNA I HERCEGOVINA
FEDERACIJA BOSNE I HERCEGOVINE
V L A D A
N/p Nermin Nikšić, premijer

Alipašina 41
S a r a j e v o

Predmet: Izjašnjenje za tematsku sjednicu Vlade Federacije BiH, daje se
V e z a: Vaš akt broj: 01-02-417/14 od 27.03. 2014. godine

U vezi Vašeg akta, broj i datum gornji, obavještavamo Vas da u skladu sa Zakonom o federalnim ministarstvima i drugim tijelima federalne uprave ("Službene novine Federacije BiH" br. 58/02, 19/03 i 38/05, 2/06, 8/06 i 61/06)), Federalno ministarstvo trgovine obavlja stručne i druge poslove iz nadležnosti Federacije koji se odnose na: trgovinu, funkcionisanje jedinstvenog tržišta, uticaj privrednog sistema i privredne politike na tržište roba i usluga, odnose ponude i potražnje, cijene roba i usluga, zaštitu potrošača i druge poslove utvrđene zakonom.

Programom rada Vlade FBiH za mandatni period utvrđeni su sljedeći strateški ciljevi u FBiH: makroekonomska stabilnost, konkurentnost, održivi razvoj, zapošljavanje, EU integracije i socijalna uključenost.

U tom smislu, a u skladu sa zakonom propisanim nadležnostima, politike Federalnog ministarstva trgovine odnose se na unapređenje i osiguranje uslova za fer tržišnu utakmicu u obavljanju trgovačke djelatnosti, regulacija tržišta cijena i prometa naftnih derivata u Federaciji BiH, u cilju onemogućavanja sive ekonomije i unapređenje zaštite prava i ekonomskih interesa potrošača.

Federalno ministarstvo trgovine je u okviru važeće legislative na području Federacije BiH, obrađivač odgovarajućih zakonskih rješenja kojim se obezbjeđuje fer tržišna utakmica u skladu sa kodeksima poslovnog morala i dobrih poslovnih običaja, te zaštite prava i interesa potrošača. Pored navedenog ministarstvo kroz svoj rad daje podršku radu i razvoju udruženja za zaštitu potrošača i promociji zaštite potrošača.

1. Obzirom da u nadležnosti ovog ministarstva nisu rad i socijalna politika na šta se odnose ključni prijedlozi mjera Udruženja poslodavaca Federacije BiH za izlazak iz ekonomske i društvene krize, kao i prijedloga mjera za prevazilaženje teške

ekonomsko-socijalne situacije SSSBiH, prilikom izrade propisa, odnosno zakonske regulative čiji je obrađivač ovo ministarstvo uloženi su maksimalni naponi da se stvore jednaki uslovi za poslovanje svih pravnih i fizičkih lica koji obavljaju poslove trgovinske djelatnosti na način da se onemogući bilo koji oblik diskriminacije, posebno domaćih proizvođača i trgovaca.

Zakoni i podzakonski akti su usaglašeni sa Direktivama EK i u daljem radu se vrši inoviranje propisa u skladu sa navedenim.

2. Vlada Federacije BiH je u okviru svojih nadležnosti preduzimala odgovarajuće mjere neposredne kontrole cijena u skladu sa Zakonom o kontroli cijena („Službene novine Federacije BiH, broj: 2/95 i 70/08). U skladu sa Zakonom ovo ministarstvo vrši praćenje i analiziranje kretanja cijena pojedinih proizvoda i usluga na domaćem i svjetskom tržištu, njihov uticaj na stabilnost cijena, kao i životni standard stanovništva u slučaju nastanka poremećaja u proizvodnji, pružanju usluga i prometu određenih proizvoda, odnosno usluga, kada ima ovlaštenje predizimanja mjera neposredne kontrole cijena.

3. Studioznije i kvalitetnije praćenje, kontrola i analiziranje tržišta maloprodaje naftnih derivata u Federaciji Bosne i Hercegovine omogućeno je donošenjem odgovarajućeg normativnog okvira Informativni sistem omogućava efikasniju i racionalniju kontrolu BPS od strane nadležne inspekcije, jer obezbjeđuje pravovremeno obavješćavanje nadležnih inspekcijskih organa o uočenim nepravilnostima i zloupotrebama u funkcionisanju mjernih uređaja na BPS.

4. Nadalje, smatramo prioritarnim ubrzavanje svih aktivnosti donošenja Zakona o finansijskom poslovanju sa rokovima izvršavanja novčanih obaveza i predstečajnoj nagodbi. Ovo zakonsko rješenje treba inicirati promjene u platežnim navikama svih učesnika u izmirenju dužničkih obaveza, bilo poduzetnika ili ugovornih organa i predstavlja početak uvođenja finansijske discipline i rješavanje problema nelikvidnosti, odnosno restrukturiranja društava koja imaju ekonomski potencijal u cilju očuvanja održivih radnih mjesta i povećanja zaposlenosti.

S poštovanjem,

The stamp is circular with the text "FEDERACIJA BOSNE I HERCEGOVINE" around the top and "MINISTARSTVO EKONOMIJE I FINANSIJA" around the bottom. In the center, it says "MINISTAR" and "Milorad Bahilj, dipl. oec." with a handwritten signature over it.

MINISTAR
Milorad Bahilj, dipl. oec.